

Menntamálaráðuneytið
Fr. Margét Harðardóttir
Sölvhólsgötu 4
150 Reykjavík

Reykjavík 3. mars 2000

Úttekt á tilraunanámi í bílgreinum

Stýrihópur í kennslu bílgreina hefur mótttekið og yfirfarið skýrslu Ingunnar Sæmundsdóttur og Randvers Fleckenstein um úttekt á tilraunanámi í bílgreinum. Vill stýrihópurinn þakka menntamálaráðuneytinu fyrir að láta framkvæma þessa úttekt, en innihald skýrslunnar lýsir vel nauðsyn úttektarinnar.

Tekur stýrihópurinn undir niðurstöðu úttektaraðila að samstarf atvinnulífsins og hins opinbera sé óframkvæmanlegt í þeirri mynd sem reynd hefur verið, en lýsir samt skoðun sinni á mikilvægi samstarfs þessara aðila til að skapa gott iðnnám í bílgreinum.

Stýrihópurinn gerir ekki efnislegar athugasemdir við skýrsluna þrátt fyrir að túlka megi einhverja efnisliði á fleiri en einn veg og finna til rök og skýringar sem kunna að vera mismunandi frá sjónarhóli þeirra aðila sem þáttóku í tilrauninni.

Mjög mikilvægt er að sem allra fyrst liggi fyrir með hvaða hætti kennslu í bílgreinum verður háttáð frá og með næsta hausti. Stýrihópurinn bendir á að hlutverki hans lýkur í lok þessarar skólaannar með tillöguggerð að framhaldi iðnnáms í bílgreinum og er þá óvist um undirbúning að framhaldi kennslunnar.

Stýrihópurinn tekur undir tillögu úttektaraðila um að líklega sé vænlegast að atvinnulífið taki að sér umsjón náms í bílgreinum í einkaskóla, að gefnu því að allar nauðsynlegar forsendur verði uppfylltar til að hægt verði að bjóða metnaðarfullt og skilvirktnám. Stýrihópurinn telur þó ekki rétt eða hægt að leggja í vinnu við undirbúning að slíkri tillögu nema að hafa fengið álit menntamálaráðherra á niðurstöðu skýrslunnar og stuðning ráðherra til slíkrar vinnu.

Óskar stýrihópurinn eftir því að álit þetta liggi fyrir hið allra fyrsta, en lokafrágangur tillögu stýrihópsins að framhaldi kennslunnar má ekki hefjast mikið seinna en nú er orðið.

Virðingarfyllst


Bogi Pálsson
formaður

Samrit: Hr. Stefán Baldursson, Menntamálaráðuneytið